

Հրատարակութեան առաջարկը որ եղած է առ Մխիթար՝ արդիւնքի մը չէ յանգած, ու պատճառը ծանուցանող ո՛ր և է թուղթ մ՛ալ չունինք ձեռքերնուս տակ: Մեր Մատենագրութեան ծանօթ է սակայն, որ Ռոշքայի այդ երկասիրութիւնը ցայսօր անտիպ կը մնայ. իսկ բուն բնագիրը կը գտնուի Վիեննայի Մխիթարեանց Մատենադարանին մէջ « Գանձ Հայոց Լեզուի կամ Բառարան Ստեփանեան » տիտղոսով¹, իսկ Ս. Ղազարու Չեռագրատան մէջ կայ ուղղակի անոր վրայէն 1840ին կատարուած օրինակութիւն մը մեր Հարց կողմանէ:

Օ: Յ: Գ:

Գերապայծառի և գերյարգեցերոյ Տեսանդ Մխիթարայ Աբբայի Հօրոյ մերում հասարակի՝ մեծաւ խոնարհութեամբ մատուցանեմ գորոյխական ողջոյն, և այլն:

Յայտ առնեմ Գերյարգելութեանդ, զի Հոկտեմբերի 25ին յղեցի զգիր մի աստի ի Կեդրայէն առ Գերյարգելութիւնդ, և ծանուցի ի նմին զորպիսութենէ իմմէ, և թէ գնալոց եմ ի Պաշխալով: Բայց մինչև ցայս վայր ոչ կարացի չուել աստի, ոչ վասն այլոյ պատճառի, քան վասն դժուարահոծ և անհնարին և անպատում ցեխալից ճանապարհաց, որք զարհուրեցուցանեն զմարդն ի յելանելն ի տանէն. և այս ոչ միայն ի քաղաքս և ի գիւղս, ի դաշտս և յանդատանս, այլ նաև յանապատս և ի լերինս, և յամենայն ուրեք լիք են ճանապարհքն ցեխիւ և շաղախով: Եւ պատճառ սորին է, զի Յ ամիսք են, յորմէ հետէ գրեթէ յամենայնում աւուր անձրևեաց յառաւօտէ մինչև ցերեկոյ, և յերեկոյէ մինչև ցառաւօտ. և այսպէս՝ հաշուեալ թէ փտեցաւ գետինն, և պատռեցաւ երկիր: Եւ վասն այսորիկ ամենայն ինչ տասնապատիկ թանկ է քան յառաջն, զի ցորեանն ի դէզսն ծլեալ է և փտեցեալ, և այլն... .: Գերյարգելի Տէր Աւագէրէցն Աւմենօպօլսոյ, այսինքն Վերապատուելի Տէր Մինասն Թորոսեան, և իւր եղբայրն Վեր. Տէր Սիմէոնն մեծաւ սիրով և խոնարհութեամբ զողջոյն մատուցանեն և խնդրեն գիր ինչ ի Գերյարգելութենէդ: Իսկ խնդիրքն այս ինչ է. զի (որպէս յառաջագոյն գրեցի) ողորմած հոգի Ստեփաննոս Վարդապետն թողեալ է զկնի իւր զանջնջելի յիշատակ, զպտուղ աշխատանայ երեսնից ամաց, այսինքն զազնիւ, զմեծագին և զյոյժ պիտանի գիրք իմն, յորում աշխատեցաւ գրեթէ զամենայն աւուրս կենաց իւրոց: Ասեմ աշխատեցաւ. քանզի անխոնջ աշխատանօք զՅՕ ամս երկասիրեաց ի վերայ նորա: Եւ այս է Բառգիրքն երկուց լեզուաց, այսինքն Հայկականի և Ղատինականի. և է Գանձարան ամենայն բառից, մեծաւ արհեստիւ հաւաքեցեալ ի անթիւ գրեանց հայկականաց, և մեծագունիւ արհեստիւ կարգաւորեցեալ և գետեղեցեալ ի սեպհական տեղուջ, այսու կարգաւ. քանզի ի նմին՝ նախ դնի բառն հայկաբանական, յետոյ մեկնի հայկաբանօրէն, և ի վկայութիւն բերի հեղինակն և գիրքն, յորմէ արտահանեցաւ բառն, նաև զանագան զգացմունքն, ի յորս առնանի ի զանագան տեղիս: Զկնի սորա դնին նաև բառք աշխարհականք, որովք առաւել բացատրի զբաբառն, հուսկ յետոյ դնին բառք լատինականք հանդէպ Հայկականին, որպէս վկայէ Վեր. Տէր Սիմէոնն, որ եղև ականատես զամս բազումս, մինչ էր աշակերտ վերոգեցեալ Ստեփաննոս Վարդապետին: Եւ կարծեմ թէ է այնպիսի գործ, մինչ զի յազգի մերում ոչ երբէք եղև, նաև ոչ կարծեմ թէ լինելոց իցէ, որպէս վկայէ վերոգեցեալ Վեր. Տէր Սիմէոնն. ես թէպէտ ոչ տեսի զայն ցայսվայր, զի է ի Լէհաստան: Զսա ամենայն յանձնեն, նուիրեն և տեսանագրեն Գերյարգելութեանդ և Մենաստանին մերում, և խնդրեն զի հաճիցէ Գերյարգելութիւնդ ի լոյս ածել զնա ի ձեռն տպագրութեան. և ինքեանք զծախս ճանապարհին արասցեն, մինչև գիրքն հասանիցի ի Մենաստանն մեր. և թերևս

1. Տաշեան, Յուցակ Չեռագրաց, Հա. Ա. Գիրք Բ. Թիւ 6, էջ 22: